

李雨村新詩話

雨村詩話卷四

綿州童山老人李調元

朱子穎鄉試出王夢樓先生之門子穎南遊先生贈詩
雲當年燕市和悲歌只有荆卿感慨多肯信奇才終獲
寶已憐豪氣半銷磨江湖接海紅銜日山翠連城碧暈
綠倘過鄉園勞問訊敗畦仄巷近如何

直隸滄州李隨軒廷揚庚辰進士與夢樓先生至交由
工部郎中授廣東南韶道陞臬司先生有秋夜對月懷
李隨軒云楊柳方城晚蒹葭漢水秋今宵千里月應上
武昌樓沙白空迴雁波青趁沒鷗五湖曾有約何日共

扁舟隨軒多髯善諧謔與桂秀岩林同爲工部郎中相
善隨軒與京伶李德翠號翠官親昵一日見其浴遍體
如漆乃遣之後秀岩總制粵東隨軒執下屬禮見秀岩
握手笑問曰頗憶黑郎否隨軒不覺面赤

漢司馬長卿以本省人奉命檄諭蜀中父老從來未有
本朝大司馬周文恭公亦兩次奉命至蜀審案眞佳
話也有再至成都次杜少陵韻云芙蓉溪上海棠溪一
帶風烟望欲迷鄉路遠分江內外儂家原近瀼東西遊
滇尙憶尋蟆口入蜀猶能逐馬蹄賸有輕裝閑檢點天
香時惹武都泥詩意亦頗自負

海上天后甚靈驗凡使

舟過海皆奉迎舟中香火甚肅

有急則呼孃媽云可速

至乾隆二十一年丙子犬司馬

周文恭公同侍讀全穆

齋魁奉命冊封琉球舟至姑

米山薄暮颶颶大作舟

觸礁幾沉舟中皆呼孃媽須臾

果見一燈自遠而至舟

中皆歡呼曰天后救至矣遂登

北岸次年回朝奏聞

上准請于原封獲國庇民妙靈

昭應宏仁普濟福仁羣

生外加封誠感咸孚四字海

山有書事詩云不關潮

汐水添肥半夜人呼事已非疾

痛尋常呼父母一時回

首籲天妃謂此也初未阻風時

人言颶作有光如星火

又有海蛇黃色浮遊水面至是

果然又姑米阻風云。未以無雷國。還同不夜城。鐵沙排
雁齒。銀礫促鼉聲。熠熠爭陰見。蜿蜒習水行。故應心腹
事。管蒯托平生。

西湖天竺白衣大士籤。相傳甚靈。冊封琉球。正使全穆
齋同周海山。舟過西湖。周以順遊。不敢續。全先詣請。必
得一籤云。有物不周全。須防損半邊。家鄉烟火裏。祈福
自安然。公以己名全。而云不周全。甚惡之。及姑米之事。
始少釋然。但祈福二字。無着。及歸自琉球。以正月三十
日開洋。是爲祈福日。祈福者。蓋琉球未奉到頒朔前所
權行時憲書中語也。

詩學東人須要脫去唐人

乾隆丁丑八日周海山

先生在琉球詩云暖雲如絮雨如塵不見長安却見春
十二月中都作客八千里外未歸人蠻花匝地紅於錦
海浪兼天白似銀誰說道衡離思苦江南山色尙堪親
末句翻用唐趙嘏句也

琉球菊花多內地所無九月二十四日中山王送海山
菊花有太白仙影祥星清曙秋山霓裳山紅小錦黃霞
朝霞晚霞之目俱以竹簡書之海山詩云是歲開應再
今朝賞乍新卽看黃帽客不似白衣人山小霜飛晚秋
長露裊頻佳名煩譯得一一上青筠

靈應記云天妃姓林莆曰湄洲人宋都巡檢第六女以
建隆元年庚申三月二十三日生少有神異於雍熙四
年九月初九日昇化年二十八歲康熙二十一年中書
莆田林麟煥副檢討汪楫册封琉球天后族也海山誦
其獻聯云累朝疊誥表神功嶽降自鯨江翊運凝庥頻
現紅燈宣聖化重譯獻琛逢盛世皇華臨馬齒握衣展
拜永清碧海耀吾宗末歟稱裔姪孫則其宗譜支派必
有可攷矣非浪傳也

夢樓先生從侍講全魁過海册封琉球回鑄有曾經滄
海四字印章余問海外王典禮先生云國王宴使臣有

七一諭祭二冊封三中秋四重陽五餞別六拜辭七望
舟每宴王府庭中滴水前造戲臺以幕四使周天使及
隨封員役皆坐觀演夷劇樂工十餘人俱着紅帕伶童
數十人皆戚臣子弟俊秀者習之衣綵衣着紅綾襪先
演無隊作一老人登場唱起神歌歌罷退小臣齊唱太
平歌樂工引聲和之皆侏僂不可解大抵皆頌聖及
神人共喜之語次笠舞次花索舞次花籃舞次竹拍舞
次武舞次獅毬舞次桿舞次演雜劇悉其國中故事凡
舞皆以提琴三絃短笛小鑼鼓和之小童只演科白唱
則樂工昏時撤席設烟火又有數十人騎紙馬頭尾烟

爆齊發奔走戲樂宴畢以火炬送歸先生有竹枝云一行金埒響瓊裾公子羣過水竹居。非髮也須千萬值綺年多是十三餘。將離更唱驪駒曲。相憶應看青李書。鸚鵡香醪斟酌遍。不知涼月透文疏。又留別詩云。那霸清江接海門。每隨殘照望中原。東風未與歸舟便。北里空消旅客魂。盡夜華燈舞鸚鵡。三秋荒島狎鯨鯢。他時若話悲歡事。衣上濤痕並酒痕。

癸未余禮闈出夢樓先生本房祝芷塘亦在趙雲松房內芷塘時年甫十六同年以祝小姐呼之亦猶庚辰前輩宋小巖也先余愛學小李將軍畫而不甚似故人以

此嘲之幾成別號不復呼甯村矣一日宴於先生書屋
酒半先生指祝與余曰余有杜詩二句可贈二君問何
句曰將軍不好武稚子總能文也一坐傾倒故余和芷
塘接葉亭詩有頭銜謬許武文同句謂此也

甲寅十月二十四日明經計天禧訪余於紅蓼村莊小
飲門生冉曉山玉嘉劉樹菴全祿顏東坪明典咸在酒
正中忽玉溪四壻新孝廉至遂卽席分韻余得三字云
懷人冬正孟愛客徑開三有壻玉初琢諸君青出藍傲
霜吾卽菊噉露爾懷柑各出驚人句平生此最耽玉溪
得共字云水潦魚影稀林密鳥聲縱荷殘滴露輕硯凍

凝寒重。松比大夫秦。詩慚小國宋。東籬傲霜菊。還應晚
節共。曉山得酒字云。出門卽橙林。共此一杯酒。竹動來
故人。菊遲真淡友。好句誰白簷。窮經師皓首。有客月宮
來。羣稱折桂手。樹菴得蟬字云。名園山疊石。高閣水聽
泉。閉戶如干木。狂吟似謫仙。殘荷啄饑鷺。疎柳抱寒蟬。
有客真驚坐。飄然到席前。先是余與玉溪詩先成。再劉
次之。顏東坪覓句有無已之風。時方兀坐未聞也。忽拈
管作杯字云。名園佳客至。小集共傳杯。簾捲月初上。窗
開山欲來。霜彫三徑菊。臘破一枝梅。翁壻真冰玉。探驪
句早推。玉溪最愛來字。一聯曰。此陸放翁所云。文章本

天成妙手偶得之也

玉溪爲余言郾縣金雲亭中鼎爲人瀟洒詩有別致咏懷云拙不隨年去愁多逐境來人移居云砌墻鵝卵石蓋屋鬼毛針俱用蜀方言亦趣

投老欲依僧古詩也垂老抱佛脚孟郊詩也今諺云閑時不燒香急來抱佛脚不知唐以前已入詩矣

閨媛能詩已屬僅見而又出自弱齡尤屬絕無武陵女士單光瑤其父咫尺宸爲齊東令尤歲能詩有題畫鸚鵡云已無言語慧只有羽毛奇鎮日輕綃裏鷹鷂那得知命意便不凡有玉芳豈

近人見江西人卽以西江派爲口實不知亦有不然者
非人人呂本中也南昌熊滌齋本中丞學鵬之父也庚
熙庚辰編修有和淡人春日漫興云睡起雞聲報午炊
由來迂嬾性相縻留賓每覺論文拙讀易深慙見道遲
歲序如斯仍故我乾坤若大少新知回頭五十年前事
垂老翻思少壯時何等洒脫

汪文端公謹堂先北路公會試座師歿後其子副憲承
需以其遺集囑門生趙雲松編校有感賦句云眞草源
淵王內史文章臺閣李東陽可括公生平

江西有兩才子南昌彭芸楣家宰鉛山蔣茗生編修也

皆丁丑進士彭出廷尉嶠峨周立庶先生本房與余先
後同門若生授職後卽奉其母太夫人浮家汎宅遊於
天台雁蕩之間曾掌教山陰後買宅金陵携家住之二
人名達宸聰芸楣爲冢宰時上屢詢及輒嘆息久之有
御製句云江西兩才子惟卿官九卿芸楣屢以
書勸出山若生時已歸養十年及再入詞館則資俸已
在後輩之後乃保送御史已蒙上記名而考差引
見時上俱未問及未幾病風趙雲松寄詩云跋扈詞
場萬敵摧如何仍築避風臺少貪酒色終償債老訂詩
文幸滿堆木有文章原是病石能言語果爲災可憐我

亦拘攣臂。千里相忘。兩廢材。後卒以書囑袁子才爲墓誌。子才以書報雲松。復哭詩云。斯人遂已。隔重泉。腸斷袁安一幅箋。預乞碑銘如代死。久淹床第本長眠。貧官身後惟千卷。名士人間值幾錢。磨鏡欲尋悲路阻。茫茫烟樹哭江天。

雲松工於懷古。樓桑村云。敵強終造三分國。士少能臣第一流。又金門懷古云。前史曾傳靖難兵。摩戈從此破神京。削藩禍起書生計。負展圖慚叔父名。一領袈裟宵出竄。九江紉綺曉翻城。興師若不論成敗。高煦宸濠豈異情。末二句。千秋定論。

余旣以詩受知于相國程文恭公甲午余由廣東典試
回京適公兼攝冢宰卽保題員外郎是科公派磨勘御
史李廷欽僉出廣東中式王汝麟三場策內淳化之兒
四字公曰此出法帖考正蓋言帖有祖禰故以絳帖爲
兒也因出書示李乃愧服次年余因畫稿兩議一事降
調公力爭不得遂去官引見時蒙上詢問公以實
對上曰司官議見不同原許兩議又問平日辦事何
如公以勇往對遂得恩旨仍以原官回部尙未補缺
復有提學廣東之命皆公力也未幾公薨余哭之有
詩云星隕台階月又朦老成一去滿朝空存心寬恕王

丞相秉性威嚴。魏弱翁獨掌銓衡。將十載佐襄樊。理比
三公。如何湛露方濃。日遽駕雲旗。颺朔風。玉堂珥筆侍
楓宸。揆藻羣推格律新。五嶽談經多拆角。九重幾諫
少批鱗。並無袒護分朋黨。祇有孤忠諒鬼神。主眷始
終公第一。丹青千古炳麒麟。憶昔初除吏屬官。幾曾風
月敢私干。却因謝眺驚人句。便把阿蒙刮目看。恩荷三
薰方拂拭。心驚六法入糾彈。累公爭救終無益。感到憐
才欲報難。幸有恩光出自天。戴盆回憶尙潛然。鵲巢
空繞日三匝。鶯谷旋邀歲九遷。靈雨祇今歸故里。慈雲
何日哭新阡。只悲言行空千古。羊傳無兒失載編。